

宋詩鈔補

一
玉
八
冊
玉

涵芬樓校印

宋詩金補

安善堂名昌碩篆

宋詩鈔補序

涵芬樓既重印宋詩鈔以原本著目闕詩者凡十六家曾謀於義寧陳散原先生將董理補輯以成完書會聞吳興劉君翰怡從吳縣柳蓉村得別下齋舊藏本急以重值相易審視藏印宛然其署簽爲海寧管芷湘庭芬鈔補蔣生沐光煦編輯蓋原闕十六家既均補鈔他家名作亦多最錄總爲詩二千七百八十字首爲力勤矣別下齋藏書著稱於海內而補鈔復爲管氏所編定體例精善同於原書用付印行以副初志夫我國秘籍孤本往往以收藏家不卽校刊半委蠹燼涵芬樓今以此本曝於天下者蓋欲使秘籍孤本不終閤也斟印將竟吾友山陰諸真長復得熊心松爲霖宋詩鈔補三冊於京師爲嘉應黃公度遵憲人境廬故物雖僅補原闕十六家而甄采較此編爲富惜中佚

一冊不知流轉何所。今真長亦以此本歸涵芬樓。俟覓得所佚。當再墨木。嗟乎。吳呂手定之書。歷二百年而始重印。而管氏此編亦適於此時出於存亡絕續之交。使嗜宋詩者得以資其研討。是亦文字之靈不終沒於天壤也。夫乙卯四月閩縣李宣龔序。

宋詩鈔補目錄

王禹偁

小畜集

二十八首

徐鉉

騎省集

二首

韓琦

安陽集

三十四首

蘇舜欽

滄浪集

一首

余靖

武溪集

三十六首

歐陽修

文忠集

一百零一首

林逋

和靖集

三十五首

孔平仲

清江集

二首

孔文仲

清江集

一首

韓維

南陽集

四首

王安石

臨川集

一百零三首

蘇軾

東坡集 一百四

鄭俠

西塘集 十一首

王令

廣陵集 二首

陳師道

後山集 五十三首

文同

丹淵集 六十九首

米芾

襄陽集 十四首

黃庭堅

山谷集 五十八首

張耒

宛丘集 一百十三首

晁冲之

具茨集 十首

韓駒

陵陽集 十三首

晁補之

雞肋集 八首

鄒浩

道鄉集 四十六首

秦觀

淮海集 三十七首

陳造

江湖長翁集 二首

劉弇

龍雲集 一百三十四首

沈遼

雲巢集 一首

沈遘

西谿集 五首

沈與求

龜谿集 八十五首

徐積

節孝集 四十一首

陳與義

簡齋集 十九首

李覲

盱江集 二十四首

鄧肅

栢欄集 八十六首

王炎

雙溪集 一首

唐庚

眉山集 十九首

孫觀

鴻慶集 二首

張元幹

蘆川歸來集 一首

葉夢得

建康集 四首

張九成

橫浦集 四十五首

汪藻

浮溪集 十四首

范浚

香溪集 二十一首

劉子翬

屏山集 四十首

朱喬年

韋齋集 五十一首

朱松年

玉瀾集 一首

吳儆

竹洲集 一首

周必大

省齋集 五首
平園續稿 三十五首

朱熹

文公集 九十六首

范成大

石湖集

九十三首

陳傅良

止齋集

五十六首

楊萬里

誠齋集

十七首

葉適

水心集

十七首

樓鑰

攻媿集

四首

趙師秀

清苑齋集

三首

翁卷

葦碧軒集

七首

徐照

芳蘭軒集

五首

徐璣

二微亭集

五首

黃公度

知稼翁集

三十四首

劉克莊

後村集

七十四首

王廷珪

盧溪集

四十三首

黃幹

勉齋集 十五首

魏了翁

鶴山集 四首

戴敏才

東臯集 一首

戴復古

石屏集 十七首

戴昺

農歌集 十首

方逢辰

蛟峰集 二首

宋伯仁

雪巖集 三首

方岳

秋崖集 二首

馮時行

縉雲集 六首

岳珂

玉楮集 一百四十九首

嚴羽

滄浪吟集 四十五首

裘萬頃

竹齋集 六十二首

謝 翱

晞髮集 二十三首

文天祥

文山集 七十六首

謝枋得

疊山集 十三首

林景熙

白石樵唱集 五十三首

汪元量

水雲集 七首

梁 棟

隆吉集 二首

呂 定

仲安集 二十五首

鄭思肖

所南集 二十四首

何夢桂

潛齋集 一首

王 柏

魯齋集 十七首

葛長庚

玉蟾集 六首

僧道潛

參寥集 六首

僧惠洪

石門文字禪集 二百零三首

朱氏

斷腸集 四首

小畜集補鈔

王禹偁字元之鉅野人九歲能文太平興國八年登進士歷右拾遺拜左司諫廬州妖尼道安誣訟徐鉉禹偁請論道安罪貶商州團練副使累遷翰林學士坐謗訕知滁州真宗即位召知制誥出知黃州卒有小畜集

寄商州馮十八仲咸同年

遷客秋來捧詔還。故人多怪鬢毛班。重爲東掖垣中士。猶夢西暉亭下山。薄憶宦情皆是幻。老思身計不如閒。何時獲約同歸隱。水竹蕭蕭但掩關。

移任長洲

移任長洲縣。舟中興自餘。篷高猶見月。棹穩不妨書。雨碧蘆枝亞。霜紅蓼穗疎。此行紆墨綬。不是爲鱸魚。

移任長洲縣。窮秋入水鄉。江涵千頃月。船載一篷霜。竹密藏魚躍。雲疎漏雁行。故園漸迢遞。烟浪自茫茫。

絕句

謫官無俸突無烟。唯擁琴書盡日眠。還有一般勝趙壹。囊中猶貯御書錢。

齊安郡作

憶昔西都看牡丹。稍無顏色便心闌。而今寂莫山城裏。鼓子花開亦喜歡。

題錢塘縣羅隱手植海棠

江東遺蹟在錢塘。手植庭花滿縣香。若使當時居顯位。海棠今日是甘棠。

明月溪

汎流者爲誰。人骨皆已朽。我來尋故跡。溪荒亂泉吼。惜哉幽勝事。盡落唐賢手。惟餘舊時月。團團照山口。

望日臺

荒臺隱層巒。雲磴踰百尺。攀蘿試一登。依然有遺跡。掌舒舊砌平。屏卓諸峯直。憑高聊寓望。孤懷念鄉國。長安不可見。但對金烏赤。傾盡葵藿心。庶免浮雲隔。

鳳凰陂

次公治潁川。仁政被一方。神物不藏瑞。茲焉集鳳凰。在昔奏簫韶。舜庭來踴躍。西伯有至化。亦見鳴岐陽。仲尼豈無德。已矣空悲傷。夫何刀筆吏。而能致殊祥。我來過荒陂。煙草但蒼蒼。緬懷漢循吏。史筆恐未遑。

惠山寺留題

吟入惠山山下寺。古泉閑挹味何嘉。好拋此日陶潛米。學煮當年陸羽茶。猶負片心眠水石。略開塵眼識煙霞。勞生未了還東去。孤棹寒篷宿浪花。

中秋月

何處見清輝。登樓正午時。莫辭終夕看。動是隔年期。冷溼流螢草。光凝宿鶴枝。不禁雞唱曉。輕別下天池。

官舍書懷呈郡守

年來潘令鬢初凋。瘦馬青衫恥下僚。藥債漸多醫宿疾。宦情猶切戀明朝。空江梅雨添幽鬱。古縣桃花鎖寂寥。賴有郡侯知己在。每憐憔悴貫金貂。

朝退偶題

吏隱金門祇似閑。退朝窮巷懶開關。經年不到公卿宅。五日空

隨侍從班。禁漏出花寒。歷歷御泉通市細。潺潺功名未立年。猶少爭忍攜琴去舊山。

送郝校書從事相州

提筆從戎別帝鄉。官清兼領校書郎。將軍幕下紅蓮媚。詩客袖中丹桂香。吟倚旌旗春過雨。醉聽刁斗夜含霜。金臺莫作多時計。非久應歸振鷺行。

送夏侯正奉使江南

百舌關關麥壠青。遠山迎馬翠如屏。禁中已誦相如賦。江外猶看使者星。衣拂茶煙尋水寺。枕欹梅雨泊沙汀。歸期莫過中秋節。侍宴甘泉月滿庭。

和陳州田舍人留別

宛丘分理藉賢明。暫輟詞臣撫百城。職罷掖垣人共惜。郡連京